



Broj: 05-2376-3/15
Sarajevo, 29.07.2015. godine

Svim ponuđačima koji su preuzeli tendersku dokumentaciju

Predmet: Pojašnjenje tenderske dokumentacije „Nabava usluga opsluživanja kafe - kuhinje - bifea u poslovnim prostorijama Agencije za bankarstvo F BiH“

Agencija za bankarstvo Federacije BiH (u nastavku: Agencija) provodi postupak nabavke usluga opsluživanja kafe-kuhinje – bifea za potrebe Agencije, po pozivu za dostavljanje ponuda objavljenom na internetskoj stranici Agencije 23.07.2015. godine.

Jedan od potencijalnih ponuđača koji je preuzeo tendersku dokumentaciju po predmetnom postupku nabavke, zatražio je pojašnjenje iste pa se u daljnjem tekstu, na internetskoj stranici Agencije, daju odgovori na postavljena pitanja, kako slijedi:

Pitanja:

Molimo Vas da nam pojasnite Tabelu 1 na stranici broj 9 – obrazac za cijenu ponude u kojoj je navedeno da se unesu pojedinačne cijene toplih i hladnih napitaka i ostalih posluživanja jer ovdje nisu navedene s vaše strane ukupne mjesečne potrebe koje mi ne možemo znati.

Stoga nismo u mogućnosti popuniti ni tabelu 2 na stranici broj 10, koja se odnosi na ukupan zbir mjesečnih troškova angažovanja radnika i potrebnih količina toplih i hladnih napitaka i ostalih posluživanja.

Također bih vas molili da nam pojasnite procijenjenu vrijednost nabavke od 13.000,00 KM, bez uračunatog PDV-a.

Da li u ovaj iznos ulazi usluga opsluživanja toplim i hladnim napicima i ostala posluživanja bez angažovanja radnika ili je u tom iznosu sve uračunato.

Odgovor:

U pozivu za dostavljanje ponuda za nabavku predmetnih usluga, pod tačkom b) (podaci o predmetu javne nabavke), u podtači a) dat je opis predmeta nabavke, koji je definisan kao nabavka usluga opsluživanja kafe-kuhinje-bifea za potrebe Agencije u periodu od dana potpisivanja ugovora do 31. 12. 2015. godine, u skladu sa tehničkom specifikacijom i ostalim traženim uslovima/zahtjevima naznačenim u tenderskoj dokumentaciji (u nastavku: TD).

U obrascu za cijenu ponude, kao priloga broj 1, odnosno saastavnom dijelu TD, specificirani su topli i hladni napici i ostala posluživanja, te ugostiteljske usluge (posluživanje) koje su predmet ugovora.

U vezi s navedenim, ponuđači su dužni:

- popuniti tabelu pod nazivom: "Topli i hladni napici i ostala posluživanja", u koju će u kolonu pod nazivom: "Jedinična cijena bez PDV-a" unijeti jedinične cijene – bez PDV-a, toplih i hladnih napitaka i ostalih posluživanja navedenih u koloni pod nazivom: "Opis", pod rednim brojevima 1 do 29, te ukupnu vrijednost – bez PDV-a, koja predstavlja zbroj iznosa stavki od 1 do 29.
- popuniti tabelu pod nazivom: "Ugostiteljske usluge-posluživanje", tako što će u koloni pod nazivom: "Cijena usluga posluživanja, mjesečno – bez PDV-a, na bazi 2 angažovana radnika", unijeti cijenu usluge posluživanja – na mjesečnom nivou, na bazi dva angažovana radnika u kafe-kuhinji-bifea u poslovnim prostorijama Agencije u Sarajevu, Zmaja od Bosne 47b.

Shodno navedenom, ukupna vrijednost ponude bez PDV-a predstavlja zbroj ukupne vrijednosti navedene u tabeli pod nazivom: "Topli i hladni napici i ostala posluživanja" i ukupne vrijednosti navedene u tabeli: "Ugostiteljske usluge-posluživanje", što u konačnici s dodavanjem PDV-a na navedeni iznos čini vrijednost ponude s uračunatim PDV-om.

Procijenjena vrijednost nabavke čini ukupan iznos nabavke predmetnih usluga za period od dana sklapanja ugovora do 31. 12. 2015. godine.

Navedeni iznos uključuje procijenjene troškove nabavke predmetnih ugostiteljskih usluga, odnosno usluge opsluživanja kafe-kuhinje-bifea u navedenom periodu, koji uključuju troškove angažovanja dvojice radnika od strane pružaoca usluga, uvećane za ukupan iznos (zbroj stavki od 1 do 29) naveden u tabeli pod nazivom: "Topli i hladni napici i ostala posluživanja".

Prema tome, procijenjena vrijednost nabavke ne uključuje utrošene količine toplih i hladnih napitaka.

Pružalac usluga će tokom trajanja ugovornog odnosa ispostavljati fakturu naručiocu usluga jednom mjesečno, za utrošene količine pića i napitaka.

Za obavljene usluge na bazi odobrene reprezentacije, dobavljač će ispostavljati fakturu Agenciji u skladu sa stvarnim utroškom, dok će ostali korisnici usluga plaćati posluživanje prema prihvaćenim cijenama iz ponude ponuđača, na licu mjesta, uz izdavanje fiskalnog računa.

